

CIMELIA

Qu

4367

Biblioteka Jagiellońska.



I. d. 19.

Cim 4367

B7 XVI



Poëtae lat. pol. 1291.

POËTAE POLON.

N. 31

Dantiscus Joannis: De nostrorum
temporum calamitatibus etc.
na Bonon edita 14. Decembris
1529.

Ingr. Cracovianae 1530.

4367

VIII. 3. 132

AD LECTOREM.
IOANNIS DAN-

TISCI ORATORIS SERENIS

simi Regis, & Reginae Poloniae &c. ad

Clem. VII. Pont. Max. & Caro-

lum. V. Imp. Aug. de no-

strorum temporum

calamitatibus

Sylva Bonoꝝ, edita. IX. Decē-

bris. M. D. XXIX.

Impressa Cracouia. M. D. XXX.

24 Februarij.



AD LECTOREM.

Quum noua delectent, noua Lector Sarmata vates
Edidit in Latio carmina, nōne placent?
Sire non alia, placeant nouitate, q̄ ante
In Latio Vates sarmata rarus erat.
Naso Tomitanas quondam datus exul ad oras
Edidicit Gethice, Sarmaticeq; loqui.
Hesperice sic forte loqui, dum missus vtrinq;
Hesperiam peragro, me didicisse puta.
Siquid inest igitur, tersumue, minusue politum,
Hac veniam iusta cum ratione dabis.
Extorsit faciles numeros miserabile tempus,
Quo tanto rerum turbine cuncta fluunt.
Si de Castalio non spirant fonte liquores,
Nec redolent Phoebum, Pieridumue choros.
Ne contemne tamen, sed rem perpende legendo
Quum sensum teneas: nil ego verba moror.

SYLVA

GRande Sophoclaeo quicūq; poema cothurno
 Concipit, Heroum gesta superba canit,
 Exornat claris sua carmina celsa triumphis:
 Hippocrenæis tingit & illa vadis.
 Tempora materiam foelicem læta ministrant,
 Vatis & ingenio, carbasa plena, ferunt:
 Hac mihi sed misera sub tempestate volenti
 Scribere, se tristes exhibuere modi.
 Seq; mihi sparsis offert Elegia capillis,
 Et mœsto quæstus mittit ab ore graues.
 Omnia plena metus, horroris & omnia plena,
 His lachrimans numeris præcinit imparibus,
 His vos o Clemens, & Carole, Lumina prima:
 Vos duo compello: sub quibus orbis agit,
 Phas mihi sit venia cum vestra pauca profari:
 Tempora quæ pro re dicere nostra iubent,
 Ipse licet taceam, non res afflicta tacebit:
 Qua Christi passim grex, & ouile, perit.
 Crimina quandoquidem meruerunt nostra malorum
 Hanc Lernam, nobis monstra tot vnde nocent,
 Pestis, bella, fames, incendia, præda, rapinæ:
 Inficiunt nostro quicquid in orbe manet.
 Pax & amor, virtus, & honesti recta cupido:
 Cumq; pudore fides turpiter acta iacent.
 Relligio, pietas, timor, & reuerentia Diuum:
 Inter mortales vix manet vlla magis.

SYLVA

Succreuere dolus, liuor, priuata simulas,
 Fraus, odium, rabies, ira, libido, furor.
 Seditio, vis, insidiæ, corruptio legum,
 Impietas, superum penecq; nullus honor.
 Hinc male quum regitur, plebs pcita, frena remordet
 Cœpit, & in Reges non semel arma suos.
 Non opus est cædes, & proelia dira referre:
 Testis adhuc Rhenus, testis Iberus erit.
 Fastus, auaritiæq; lues insanæq; multos
 Ambitio, contra phasq; piumq; rapit,
 Ex his tot casus: & mille pericula rerum
 Proueniunt, hæc sunt ad mala multa, Duces.
 Oppida magna sub his: & regna perire videmus:
 Ruræq; multa suis orba iacere satis.
 Non tamen erigimur: nec adhuc grauiora timemus:
 Quæ dabit offensi plaga futura Dei.
 Hunc pauci metuunt, & amant, vix vnus & alter:
 Qui nunc Europes sub regione sumus.
 Hinc sunt tot sectæ, quas hæresis atra notauit:
 Per quas Christicolis magna ruina venit.
 Fit minor assidue fidei Respublica nostræ
 Quod quo deberet lumine, nemo videt.
 Prætereo prisce quæ sunt amissa diebus:
 Quum Christi clarum nomen vbiq; fuit
 Quando quidem tunc in terram transiuerat omnem:
 Quod nunc in nostro noscitur orbe parum.

SYLVA

Hic ego nō Vrbes Asia, nec perditæ regnæ
 Commemoro, nostris nunc inimica sacris
 Nec Libyæ gentes, pietatis iura professas,
 Quas modo Mahometi possidet atra lues.
 Caucaſeos populos, & Caspia littora linquo
 Quæ tenuit nostræ religionis amor.
 Aut quos Amurathes, quos aut Payzetus adigit,
 Sanctam baptismi linquere fontis aquam.
 Ad nostros venio, quos si reputabimus annos,
 Emitterent lachrymas saxea corda pias,
 Græcia sub patrum nostrorum tempore victa,
 Turcaico seruit, subdita facta, iugo.
 Quis posset paucis, tot bella cruenta referre,
 In quibus ex nostris millia multa iacent.
 Vt mittam reliquos, quorum non parua cæterua,
 Sub signo fertur succubuisse crucis.
 Quem non cōmoueat, clades Varnensis, in illa,
 Ille mei Regis patruus occubuit.
 Hinc Bizantina tot cadibus Vrbe subacta,
 Turcarum vis est semper adaucta magis.
 Auxit & hostilem discordia nostra furorem
 Ad nos a Syrijs quem proculegit agris.
 Cum Persis, & cum, quæ bella fuere, Sabais,
 Aut cum Niliacis, sat puto nota, viris.
 His, quum sciretur nos dissentire, relictis,
In nos armorum vis ea mota fuit,

Ladislaus vn
 garie & Po
 lonie Rex.

SYLVA

Collectis igitur non paruis viribus hostes,
 In ripis Histri continuere pedem,
 Et prope Taururum Belgradum quod modo dicunt,
 Fixerunt certis plurima castra, locis.
 Sulphureo Tonitru manibus formata Cyclopum
 Proiecit crebros area canna globos.
 Oppugnabantur confractis moenia muris:
 Mansit & intactum, quod potuere, nihil.
 Arx in Pannonicis non est munitior oris:
 Inter vasta duo flumina septa iacet.
 Vnam Danubius partem, reliquã celer ambit
 Sauus, vbi fluuio cum potiore coit.
 Hæc contra Turcas inuicta manere solebat.
 Abstulit his vno millia multa die,
 Quæ de re furor hostilis: tum fortiter acri
 Cum studio, ceptum continuauit opus,
 Suppetias tandem fessis quum nemo ferebat,
 Arx fuit hostili capta subinde manu.
 Eloquar, an fileam, nobis stertentibus inq̃,
 Nostra ceperunt ex ditioe Rhodum.
 Clara Rhodus fuerat seps: qua trux dente Lycaon
 Non poterat Christi semper obesse gregi.
 Hac modo perfracta: penetralia tentat ouilis,
 Quod nisi sit qui defendat: & huius erit.
 Nos intestinis nihilominus omnia bellis:
Miscuimus, nec adhuc exitus inde dator,

SYLVA

Hostibus hinc animus, grandisq; potentia crevit,
 Climata qua mundi iam potiora tenent.
 His neq; contenti, quod adhuc superesse videtur,
 Donec in hac stamus seditione petunt.
 Vtraq; iam pridem quum Mysia pareat illis,
 Vicinisq; uolunt imperitare locis.
 Ingens Sarmaticæ tentarunt subdere Regnum,
 Afflictum toties quod fuit ante satis.
 Vasta iacent: quondam fœcunda Podolica rura,
 Quæ fuerant Siculis fertiliora iugis.
 Magnanimis hæc quum suberant integra Polonis,
 Suppetias & opes hinc habuere suas.
 Terra ferax Cereris, pecoris, nutrix & equorum
 Præpetium, genitrix belligerumq; virum.
 Nunc deserta perit, paucis habitata Colonis,
 Hostibus & cunctis peruia facta patet.
 Huc ab Hyperboreis gens barbara confluit oris:
 Et quæ Riphea sub niue dura riget.
 Huc simul Euxini proficiscitur accola ponti:
 Cum trucibus Bessis: gens truculenta Getæ.
 Tartaricis dedit his populis puto nomina Pluto,
 Per quos iam teritur Sarmatis ora diu. (Achiurus
 Dalmata, Trax, Macedo, Lacedemon, Phrix &
 Qui Turcæ nostro tempore nomen habent,
 Huc etiam, quum sint vicini, sæpius intrant:
 Et desolarunt quicquid ubiq; fuit.

*Sarmatia quæ
 nunc Polonia.*

SYLVA

Hinc nuper fines bis vastauere Polonos:
 Annus quum nondum rite peractus erat:
 Oppida cum pagis crudeliter igne cremarunt,
 Mactantes cunctos qui renuere capi.
 Post captiuorum densas duxere cateruass
 Quorum miriades tres numerasse ferunt:
 His inerant pueri, iuuenes, teneræq; puellæ,
 Matronę tremulg, decrepitiq; senes.
 Res miseranda quidem, succurrere nemo valebat:
 In subitis fieri casibus ista solent.
 Ut cursu venere cito, rediere, statimq;
 Dispersus cogi Miles ad arma nequit.
 Hoc ita victores vno facti bis in anno,
 Sic ad Threicias bis rediere domos.
 Et sibi, quos dicunt hoc nostro tempore Moscos:
 Fœdere iunxerunt, terribilesq; Scythas.
 Qui gelidum Tanaim, vastiq; Borysthenis vndas:
 Quicq; vel ex rapido Phasidis amne bibunt.
 Quicquid & est hominū quibus indunt tartara nomē
 In nos cœperunt hostica signa sequi.
 Quod Rex Sarmatiæ, quo nec pietate, nec armis
 Clarior, expendens, arma parare iubet.
 Sed quum se vidit tot cingier hostibus impar:
 Noluit ancipitem Martis inire viam.
 Subsidium prius, at ne quicquam sepe petiuit:
 Hinc ter in Hesperia posteriore fui.

Quum.

SYLVA

Quum tamen his bellis nunc Gallus nūc & Iberus

Ferueret, & Latiae diriperentur opes.

Nec foret auxilij spes vlla: sed acrius inter

Christicolas rabies cresceret illa magis.

Ne temere bellum gereret tot solus in hostes:

Et seram victus quereretur exul opem.

Tractauit potius certam pro tempore pacem,

Quam sub praescripta conditione tenet,

Huic paci voluit Rex prudens iungere Regem,

Qui tenera rexit tunc duo sceptrum manu.

Huncq; suum monuit toties ex fratre Nepotem;

Posceret vt tanto pacis ab hoste modum.

Consilio tamen Hunorum parere superbo

Maluit, hoc fretus, ductus ad arma fuit,

Hoc infaelicem conflictum fretus iniuit:

Inq; iuuentutis flore cadens periit.

Sic fuit in fati: quae non vitantur ab vilo:

Prateriit nemo quem statuere diem.

Quam miseranda fuit tum caedes Rege perempto,

Quum sit nota, vetat commemorare dolor

Tot proceres: sacriq; patres, quos infula texit,

Pugnantes, dirae succubuerunt neci.

Tunc nihil in uictos crudelis victor omisit

Quod suaserat rabies, impetus, ira, furor.

Grassatum fuerat per rura, per oppida passim;

Incensaeq; domus pauperis agricolae.

B

Ludouicus Vn
garie & Bo
emie Rex.

SYLVA

Buda caput regni direpta, cremataq; tota
 Parsum structuris sed tamen arcis erat.
 At prius euerfum Varadinum nobile castrum
 Cum reliquis, quæ non enumerare vacat.
 Transeo quæ fuerat per Turcas ædita strages
 In plebem, vel quot diruta templa iacent.
 Millia quotue hominū fuerant abducta per Histrum,
 Tendentes vinctas, mente sub astra, manus.
 Collachrimare libet, plorantem cernere turbam
 Me reor, vt durum fertur in exilium.
 Perculerant tamen ista parum nos ore professos
 Christum, quem raro pectora nostra colunt.
 Inde sed irrepsit regnandi dira cupido
 Pannonia motus dans in viraq; nouos.
 Qui nuper totum traxere in prælia mundum:
 Quorum tam subito, non puto, finis erit.
 O miseram nostro male quo sic viuitur quo.
 Pānoniam, cunctis quæ data præda gemis.
 Hoc quod atrox hostis fecit, facit hoc & amicus,
 Ex omni misere sic modo parte ruīs.
 Quos tu fecisti, te diripit impia Regum.
 Ambitio, quorum sæua per arma peris.
 Tertius accessit, qui prælia tanta diremit,
 Et trux hostibus his, hostis, vtrisque nocet.
 Obsedit pulchram: multa cum gente Viennam,
 Austriaco late depopulatus agros.

SYLVA

Ante sed a victis, vi sceptrum ceperat Hūnis
 Quos nunc omnimoda sub ditione premit.
 Equauitq; solo Budam: deiecit & arcem:
 Liquerat intactam quam pietate prius.
 Occidit tamen hic omnes quos viuere nouit.
 Dicitur in multis hocq; patrasse locis.
 Non ætas pueris, sexus, nec forma puellis
 Profuit, hostili quin caderent gladio.
 Sacra sacerdotes: ædes, diuumq; figure:
 Quicquid ibi nostre religionis erat.
 Interiere simul Regno cum Rege subacto
 Quæ victor dederat: vnde tributa capiti.
 Ad præsens hyberna sua cum gente petiuit:
 Non procul a nobis tempore Veris erit:
 Præsidēs abiit siquidem per castra relictis:
 Quo cum maiori vi remeare queat.
 Hæc reputa laceri Clæmens bone pastor Ouilis,
 Qui nunc cum magno Cæsare iunctus ades.
 Hec perpende precor: demittas cor & in altum
 Nam res officio conuenit ista tuo.
 Ex animis regum contracti tolle vicissim
 Si quid adhuc odi: q; reor, intus habent.
 Corruptasq; nouo repara munimine caulas,
 Et duc palantes ad fata læta greges.
 Non Lupus est tantis modo sit gregis vna voluntas,
 Incidet in casses bestia crassa tuos.

Ad Pont. max.
ximum.

SYLVA 8

Non defunt vires, animus nec ad ista profectio
 Pontifici tanto dignus abesse potest.
 Sit licet attritum Latium per bella, luesq;
 Succreuit pubes Italia multa tamen.
 Hæc cum magnanimis belli ductoribus ibit,
 Quos tibi, si queres, Ausonis ora dabit.
 Euganeosq; patres, terrarq; mariq; potentes,
 Pace prius facta, sub tua signa trahes.
 Magna dabit sæui Germania robora Martis
 Quæ generat pronos semper ad arma viros.
 Hoc etiam faciet florens Hispania, clavis
 Militibus, quos hæc bellica mater alit.
 Et cataphractorum tibi mittet Gallia turmas.
 Irarum fertur iam posuisse minas.
 Arcubus extensis, opulenta Britannia, multos
 Sponte viros, ad tam nobile mittet opus.
 Procaris phrisij, iungent sua castra Bathauis,
 Belgarum ducet quos galeata cohors.
 Scotus & arma feret: cū Cimbro Danus, & hī qui
 Ad mare concretum iugera rara colunt.
 Hūnus & oppressus duce te sua tela resumet,
 Inq; sui regis iura redire volet.
 Accurrent fortes infra cto corde Boemi,
 Et prope quæ gentes regna propinqua tenent.
 Non deerit bellæ tibi Sarmata, trux & Alanus,
 In leuibus pugnans nec Lituanus equis.

SYLVA 2

Hic iam cum Moscis toties, Dacisque, Scythisque
 Cum Turcis etiam conseruere manus.
 Isti nunc Regis Sigismundi iussa sequuntur,
 Quo nullum, qui te plus veneretur, habes.
 Nil aliud petit hic, nihil est quod crebrius optet,
 Inter oues quam quod mens foret una tuas.
 Quodque sub vnanimi consensu pectora Regum
 In crucis o fores conciliata forent.
 Hoc si perficies: nil pax remorabitur illum.
 Turcica: rescindi, sit pia causa, potest.
 In longum non est tempus confecta, priusquam
 Ibimus in Turcas, desinet illa prior.
 Fac modo Christicolæ concordes arma capestant:
 In Bizantinis bella gerantur agris.
 Gentibus instructi sint terra, per freta: classe,
 Victum cum neruo sufficiente ferant,
 Bosphorus in primis capiatur Thracius, & sic
 Hostibus occlusis impediatur iter.
 Hoc non vnus bellum præsumitur anni,
 Si debet iusta sedulitate geri.
 Quod postquam fiet, Rex Sarmata pacta remittet,
 Sponteque cum reliquis Regibus hostis erit,
 Interea sed quum nihil in comune moueri
 Sentit, vult pacis commoditate frui.
 Nec se cum Regnis: quum nemo iuuare procurat,
 Perdere, solus enim ferre tot arma nequit.

Sigismundus:
huius nominis:
primus Rex
Polonie.

SYLVA

Iam licet a Turcis sit tutus, gens tamē illi
 Taurica cum socijs: nescia pacis: obest.
 Hæc venit a tumidis toties Mæothidis undis:
 Et magno numero plurima damna facit.
 Et quamvis aliquando fera cum gente pacisci
 Cogitur, obseruat non tamen illa fidem.
 Hinc conductitio fines custode tuetur:
 Et turmas Equitum semper in ære fouet.
 Sic infestatur crebris incursibus: unde
 Tempora securæ pauca quietis habet:
 Nullius auxilium tamē vnq̃ sensit: & hostes
 Numinis innumeros sæpe cecidit ope.
 Regibus hinc prestat multis: prudentia & annis
 Vsu quam longo tempora ferre solent,
 Indeꝑ præteritam præuiderat ante ruïnā:
 Et nisi succurras: iam grauiora: videt.
 Quare per Christi tibi viscera supplicat, orbi
 Vt modo languenti: pharmaca tuta, pares.
 Nec mora te tardet: iam limina possidet hostis:
 Si non obstitēs, in penetrale ruet.
 Diuersas igitur mentes: odijsq̃ vicissim:
 Flagrantes, certo parcis amore foue.
 Et reminiscaris: q̃ pacis amator: & auctor
 Te Deus in terras, hac ratione dedit.
 Si quid restat adhuc irarum: bella q̃ ista
 Tempora vel quod idem prisca dedere tibi

SYLVA

Si quid Gallus adhuc contra prætendit Iberum
 \ Si quid in hos Iesus forte Britannus habet,
 Si quid inest alijs veterisue; nouiue furoris:
 Quo iacuit res, heu, publica pressa diu.
 Tu pater inñatos Clæmensq; piusq; resolue:
 Et sic concordēs duc ad ouile tuum.
 Cæsar adest præsto: propere, quo iusseris, ibit;
 Ante tuos & ob id procidit ille pedes,
 Hesperiamq; suam linquens, traiecit ad istam:
 Vt veniens faceret quæ tibi grata forent.
 Hoc etiam reliqui facient ex ordine Reges:
 Tu modo ne dubita: promere signa iube.
 Cæsaris imperij sacra tempora cinge Coronæ:
 Quod si fit, refert, hic, vel in vrbe, parum.
 Tu tecum Romam, non te fert illa q; aiunt:
 Esseq; dicitur hæc, hic vbi Papa manet.
 Acrior hinc fiet: Diademate fretus, in hostes,
 Quo debetur ei, Turca quod omne tenet:
 Conatus adeo sanctos successibus auge:
 Vt ceptum feruens aggrediatur opus.
 Quod si perueniet Germanas sospes ad oras.
 Nullus ibi, qui non sponte sequatur, erit
 Hostis ad Euphratis fugiet procul hostia magni.
 Cum Græcis rursus Thrax sacra nostra colet
 Si tecum retro Tyberis transibit ad vndas,
 Hinc & ad Hispanos per mare carpet iter.

SYLVA

Hostis ad Eridanum furiosa mente feretur,

Et sua firmabit, forsan in Vrbe: sacra.

Hæc prohibere potes, dum tps, & integra res est.

Ad Cæsarem. Vix unq̃ posthac copia talis erit.

Hoc etiam quum iam cognoscas inclyte Cæsar

Vt bene perpendas, te tua iura monent.

Incultis igitur numeris innixa, seorsum

Ad te contendit flens Elegia loqui

Da veniam, durum est feruente dolore tacere,

Afflicto cordi quem bona causa facit

Vera loquar, ter nanq̃ tua versatus in aula,

Nunc hic, Sarmatico missus ab orbe: vagor.

Per mare, per terras, a Gadibus actus ad Eburum,

Te comitatus ad hoc sum procul vsq̃ solum.

Hic vbi sublimi populosa Bononia turri,

Iuncta suo Reno, tollit ad astra caput.

Venimus huc, & iam bis cursum luna peregit,

In Turcas sed adhuc nulla statuta liquent.

Et quamuis iusto premitur Florentia bello:

Non minus in Turcas res ea digna foret.

Austriacis nuper dum grassarentur in oris,

Multa ferebantur: quæ modo mura, silent.

Ex te q̃ subito natus calor iste refrixit:

Effectus causa deficiente, docet.

Non tamẽ ergo puta cæsos: vel forte fugatos:

Dicuntur subito q̃ retulisse pedem

Et q̃

SYLVA

Et q̄ quassatam pròpere liquere Viennam,
 Innumeros quæ tot pertulit icta globos.
 O utinam non sit quod opinor, vere redibunt;
 Hic reditus magni causa timoris erit.
 Aspera q̄ primum sua frigora Bruma remittet,
 Quumq; suum quæret, Daulias ales Itim.
 Mox ex hybernis: quo cōcessere reuersis
 Reliquias alia commoditate petent.
 Iam didicere, prius quod forsā defuit illis:
 Concita quid nostri militis arma valent.
 Et quibus illa modis tractent: illisq; fruuntur:
 Ordine quo pedites in statione manent.
 Impete quoq; solent extra procurrere vallum:
 Et qua defendunt, mœnia fracta, manu.
 Quid veles possit, quid eques grauis arma ferendo;
 Quo ue struant acies, insidiasue modo.
 Hæc quum iam noscant, ex omni parte cauebunt,
 Aptius ad pugnam seq; parare scient.
 Nascitur ex vsu rerum prudentia maior
 Non pallet visis nauta probatus, aquis:
 Nec metuit Vulpes, quæ vidit sepe Leonem:
 Ad notosq; canes non timet ire Lupus.
 Præsertim quos affecit formidine quondam
 In tales versus plus feritatis habet.
 Quam tuus impigre miles deiecerit hostem,
Libera iam tandem facta, Vienna probat.

SYLVA

Intrepidi quicunque viri pro moenibus illis
 Stabant, sunt omni laudis honore pares;
 Non tamen hostilis vis inde repressa tepefcit:
 Sed vereor ne sit forfitan aucta magis.
 Abduxere tuos populos a finibus Aeni,
 Qua magis alpinas respicit ille niues.
 His coniunxerunt habitantes undique pagos
 Austriacos, quos mox igne cremasse ferunt.
 Hœniacas & opes multa cum gente tulerunt,
 Pro qua uis auri plurima cadet eis
 Sic dites spolijs redierunt nuper opimis:
 Thracius hinc in nos sœuior Isthmus erit.
 Si pro vere nouo: quod opinor, forte redibunt,
 Maior erit numerus q̃ fuit ille prior.
 Aduenient magna prædæ dulcedine captis:
 Ex Asiæ vastis: ex Lybięq; iugis,
 Iam sibi promittunt Europæ totius orbem,
 Quem nisi defendas. quod petiere, ferent.
 Interea quo ceperunt Taururica castra
 Et quo phœbæam corripuere Rhodum.
 Non poteras alijs bellis intentus adesse,
 Quum te vicinus traxit ad arma furor.
 Is pacem, tandem sopitus, fecit, & hostes
 Fœdus amicitia iussit inire tuæ.
 Hęc pax te Lacias properantem duxit ad vrbes
 Ad quam iam pridem mens tibi prona fuit:

SYLVA

Utq; tuos faceres inimicos rursus amicos,
 Nil non tentasti quod rationis erat.
 Hoc quum successit, nec te vicina moerentur
 Bella magis: quæ sunt iam potiora, vide.
 Turcarum rabies quo tandem, prospice, tendat,
 Quæ sic quottidie crescit, & aucta viget.
 Quam sit in angustiis hic nunc perpendito rebus,
 Quem tibi germanum fecit uterq; parens,
 Huic nisi succurras per te neglecta peribit
 Austria, qua Generis creuit origo tui.
 Latius hocq; malum serpet, vix Rhenus id ipsum
 Sistet, vel rapidis Albula priscus aquis.
 Hæc ne proueniant, o Cæsar cum patre sancto:
 Prouideas, spectant vos mala nostra, duos.
 Componas laceras modo tēporis huius habenas:
 Contineasq; tua, lora remissa, manu.
 Suscipe quod Diadema tibi debetur: & Urbem
 Ne cures, Vrbs est Felsina clara satis.
 Rex quum Romanus non visa diceris esse,
 Roma, cur non sic Cæsar & esse potes.
 Te modo fac propere Germanas confer ad oras,
 Hostibus ut possis arma mouere Crucis.
 Nam tua res agitur, domus ardet ppria, quam si
 Liqueris ardentem, quid nisi pulvis erit.
 Tolle moras igitur, nec em sine numine Diuum
 In Latium ductus: tempus ad istud ades:

Verd. Vnga.
 & Boc. Rex.

SYLVA

Te Deus æternis teneris protexit ab annis:
 Inq; tuos hostes præuia signa tulit.
Et pro te pugnant: te fecit in orbe Monarcham:
 Imperijq; dedit: scepra chorusca, tibi.
Quod, preter reliquas virtutes quas geris, ingens:
 Promeruit sanctæ religionis, amor.
Victrices Aquilas. Christo duce profer in hostes:
 Ille tuis cœptis, vela secunda, dabit.
Nec deerit Clamens, qui te quo cœpit amore
 Prosequitur patrio: cuius, id acta, docent.
Clarius hoc etiam doctura, iuuabit euntem:
 Aere sacro, fusa perq; sacella prece.
Accedent alij Reges tibi sanguine iuncti:
 Et iunctos quos ex sœdere nuper habes.
Fœdera sed toties, infecta: reſectaq; rursum
 Me terrent, nec em̃ suspitione carent.
In miserum sumus impactis: quod viuimus æuum,
 In quo rara Avis est, inuiolata fides.
Tu tamen in superos qui spem non ponis inanem:
 Vtere propositi dexteritate tui.
Scis, quibus ante modis: desertis sit tibi pactis
 Impositum: simili cautus ab arte caue.
Sunt consultores tibi, per quos omnia tractas:
 Magna præstantes integritate viri.
Horum consilio: si quis later Anguis in herbat:
 Retia vel fuerint si tibi structa, scies,

SYLVA

Quicquid id est: superi quum te cepere regendū
 Insidijs poterit nemo nocere tibi.
 His Ducibus: cōtra te nulla valebit aperta;
 Hostilis feritas: sed tibi terga dabit.
 Non te detineat q̃ Iberia tam procul absit:
 Quodq̃ tuum reditum, vota per ampla, petat.
 Te poterit leuius nunc q̃ prius illa carere:
 Quum natos habeat: pignora chara, duos.
 Hos deus ergo tibi viridi concessit in æuo:
 Vt per te rabidi frangeret ora Lupi.
 Te, nostris lachrymis tandem permotus, adegit
 Traiscere indomiti per vada falsa freti.
 Hæc tibi de summo mens indita venit olympo:
 Vnde nihil frustra pectora nostra subit.
 Hinc ita firmatus, recutitos ibis in hostes,
 In multis statues: clara trophœa locis.
 I decus, i nostri spes orbis, maxime Cēsar:
 Quo tempus, quo res, & pia fata vocant?
 Per te vult orbi Deus altam reddere pacem:
 Quæ iacuit per tot bella sepulta diu.
 Per te vult animos fessos firmare suorum:
 Funditus vt pereat gens inimica Crucis.
 Tu propere, q̃ cepisti, iam pectore toto
 Perfice, protectus numinis ibis ope,
 Maiores agnosce tuos clarosq̃ triumphos.
 Quos atavi quondam promeruere tui.

Dr Turcis ade:
 hortatio.

SYLVA

Experiare tuam fausto sub sidere sortem:
 Quæ te victorem sæpe probata facit.
 Et faciet, ceptis ne desis ipse secundis,
 Sub Iouis alitibus, castra tremenda: moue.
 Te foelix fortuna comes: virtusq; sequentur:
 Orbis & imperium, sub tua iura, dabunt.
 Non monitoris eges, nec opus currentibus esse
 Fertur equis stimulo, tu tibi calcar eris.
 Ibis ad hostiles, Thracum per iugera, terras,
 Et Syriæ capies, Regna vetusta, sacra.
 Vnde triumphalite tunc Elegeia curru
 Aspiciens, sparsas colliget arte comas,
 Et pede coniuncto Sophoclaeum nacta cothurnum:
 Grandiloquis referet tot tua gesta modis.
 Hos modo præcípites numeros ne sperne, q; atrum
 Squalorem vultus temporis huius habent.
 Sarmata vel Lacios q; perstrepit inter olores:
 Sub gelido, natus, qua riget vrsa polo.
 Hic vbi Sarmaticum vagus Istula, fertur in æquor.
 Et tuta portum cum statione: beat.
 Nostrarum facies rerum miseranda coegit:
 Ex tristi faciles pectore versiculos.
 Vtq; fluunt subito feruore, feruntur ab ore
 In calamum, neruo vix retinente pedes.
 Non sunt in nonum, fieri q; debuit, annum
Pressi, nec cura cum grauiore dati

SYLVA

Hoc fit victuris numeris, quos anxía, multo
Cum studio, vatum sollicitudo premit.
Hij nostri modo conflati, cito claustra relinquunt,
Et leuibus pennis in sua fata volant.
Tempora noscantur gestis cum rebus in illis:
Et moueant animos, tot mala nostra, pios.
Et q̃ per Turcas Regi cecidere Polono,
Hūnorum Reges, patruus atq; nepos.
Quodq; per incurfus ex omni parte, coactus
Cum Turcis foedus pacis inire fuit.
Hoc mihi si dederint properantes dicere Musæ:
Non est cur illas plus superesse velim.
Summa Medusæi non ambio culmina montis
Vngula quæ tetigit Bellorophontis equi
Aonios Latices, quibus est sitis alta; requirant;
Me leuis in valles quæ fluit vnda iuuat.

FINIS.







